



**R.P. Leonardii Lessii E Societate Iesv Theologi. In D.  
Thomam De Beatitudine. De Actibus Hvmanis. De  
Incarnatione Verbi. De Sacramentis Et Censbris.  
Prælectiones Theologicæ Posthvmæ**

**Lessius, Leonardus**

**Lovanii, 1645**

Art. 8. Vtrum quantitas bonitatis vel malitiæ in voluntate sequatur  
quantitatem boni, vel mali in intentione.

---

[urn:nbn:de:hbz:466:1-72898](#)

130 Quæst. 19. De bonit. & malit. actus int. volun. Ar. 7. Dub. 2. A. 8.

bonum, quām opus malum; ac proinde ipsum opus minus appetitur, quām si propter se, suamque commoditatē appeteretur; & consequenter est minus peccatum: quod enim est minus voluntarium, ceteris paribus est minus peccatum. Itaque tota ratio, cur sit minus peccatum, est, quia est minus voluntarium: est autem minus voluntarium, tum quia malitia minus appetit; tum quia opus non propter se, sed propter aliud appetitur.

<sup>91</sup> Obijcitur Prīmō, Matth. 6. Si oculus tuus simplex fuerit, totum corpus lucidū erit, id est, si intentione recta fuerit, omnia opera, quæ secundum eam operari, bona erunt; vt exponit D. Augustinus lib. 2: de Sermone Domini in monte, cap. 21.

Respondet, Dominum ibi loqui de hypocritis, quorum opera secundū se erant bona, & solum ipsis debeat bona intentio. Si autem sententiam illam generatim velimus accipere, & per corpus cū Diuo Augustino intelligamus opera externa; solum de operibus non malis accipienda est, vt colligitur ex eodem D. August. libro contra mendacium cap. 7.

<sup>Ex Augus.</sup> Obijcitur Secundo, Ex D. Augustino lib. 50: homiliarum hom. 7. Si quis cogitet bonum esse furari à diuitiis aurarī, vt det pauperib; talii cogitatio est à diabolo: quod probat; Nam si totum tribuat pauperibus, quod abfuderat, addit potius peccatum, quam minutum.

Respondet, D. Augustinus comparat eum qui dat eleemosynam ex furto, coquē modo se reddit impotenter ad restituendum, cum eo qui rem furto sublatam conseruat, & potestatem restituendi retinet; hic enim minus peccat, quām ille: cum hoc tamen consilist, quōd ille qui furatur libidine furandi, plus peccet quām ille qui affectu eleemosynæ, si cetera sint paria. Sed ibi cetera non sunt paria.

Obijcitur Tertiō, Si bona intentio minuit malitiam electionis & operis, v. g. mendacij; ergo melior intentio magis minuet: ergo poterit dari tam bona intentio, vt penitus tollat malitiam mendacij. Patet cōsequētia, Quia cū hæc malitia finita sit, detractione tandem cōsumetur.

<sup>Malitia non potest minuitur</sup> Respondet Negando secundam consequētiam, Simile est in continuo; sicut enim quantitas continua numquam detractione partium absuntur, quandiu manet in ea ratio quantitatis: sic malitia operis numquam absuntur, quādū manet in eā ratio voluntarij; vnde etiamsi fiat opus intentione optimi finis, qualis est summa gloria Dei, & salus omnium hominum, tamen manet malum. Ad confirmationem consequētia; etiamsi malitia sit finita, non potest tamen detractione absumi, quādū retinet rationem voluntarij, & esse moralis; alioquin si ratio voluntarij tollatur, etiam malitia tolletur.

### ARTICVLVS VIII.

#### Vtrūm quātitas bonitatis vel malitiae in voluntate, sequatur quantitatem boni vel mali in intentione?

<sup>92</sup> **S**ensus est, Vtrūm quando quis vult aliquid opus propter aliquem finem, illa voli-

tio & operatio volita, sit tam bona vel mala, quām est intentio finis.

Notandum est, Intentionem tripliciter posse <sup>dicitur me</sup> dici meliorem, vel peiores, quām sit electio <sup>tripliciter</sup> vel operatio exterior: Primo, Ratione obiecti; <sup>lior vel</sup> vt quando quis maius bonum aut malum intendit <sup>peior,</sup> illud assequi: vt si des eleemosynam, vt conuer- <sup>electio,</sup> <sup>quam sit</sup> illud ad fidem; vel vt periuertas ad heresim. Secundo, Ratione inefficacia medij: vt si maius bonum vel malum intendas, quām reipsa per illud opus possis assequi. Tertio, Ratione perfectionis intensiæ: vt quando ardentiū aliquid intendis, quām sit conatus ille, quem postea adhibes. Nunc sit

Prima Conclusio. Si ratione obiecti spectetur bonitas intentionis, & operis, sapienter fit vt opus non sit tam bonum, quām est intentio. Idem <sup>Quando</sup> dicendum de malo. Fit autem hoc duplī modo; <sup>fit tam bo-</sup> Primō, Quia opus nō est proportionatum ad fi- <sup>num vel</sup> nem consequēdum; vt si quis ad extruendum <sup>malum,</sup> templum conferat centum aureos, cū necessaria <sup>quam in-</sup> sunt decem millia. Secundo, Quia etiū opus sit secundū se sufficiens, tamen contingit im- <sup>teutio,</sup> pediri, ne consequatur finem intentum; vt si quis proficisciens Romam ad Iubilēum, impeditur morbo; non assequitur finem, scilicet Indulgētias.

Vbi notandum est, D. Thomam non tantum loqui de bonitate & malitia morali, sed in genere; quia in omni rerum genere verum est opus non aquari intentioni ex parte obiecti, quando non assequitur finem intentum; sive id proueniat, quōd nō eligatur medium satis efficax, sive quōd in conatu extrinsecus occurrat impedimentum.

Dices, Ergo qui mittit pauperi eleemosynam, <sup>Si eleemosynam</sup> quæ in via intercipitur, non tantum meretur, <sup>panperem</sup> quantum si perlata fuisset.

Respondeo Negando consequētiam. Quando enim eligitur medium fini commensum, & ex parte voluntatis præstitum est omne id, quod præstari debet; si extrinsecus incidat impedimentum, non ideo minus est meritum. Tamen etiam hoc casu verum est, opus non esse tam bonum ex parte obiecti, quām sit intentio; quia non assequitur finem intentum, qui est leuamen paupertatis.

Secunda Conclusio, Tota tamen bonitas & malitia intentionis redundant in electionem, & Bonitas & malitia intentionis consequenter in opus extēnum.

Vbi notandum est, id fieri duplīciter. Primo, Quatenus electio intrinsecus est melior, quæ sequitur intentionem melioris finis, & peior, quæ peioris finis, cū enim electio accipiat suam speciem ex ordine ad finem intentum, quōd finis est melior, hoc quoque ipsa melior est. Secundo, Quatenus intentio se habet vt forma quadam electionis in genere moris; nam electio speciem accipit à fine mediante intentione finis; vnde subest intentioni, sicut materiale formali, in genere moris, & consequenter etiam ipsum opus consequens electionem, subest intentioni: si enim intentio est forma electionis, & electio est forma operis extēni, etiam intentio erit instar formæ respectu operis extēni: formale enim in genere moris, est id, vnde actus habet esse morale, seu quōd laude sit vel vituperio dignus: actus autem extēnus habet esse morale ab intentione: ergo &c.

Dices,

Obiectio.

Dices, Electio secundum se habet esse morale, vt supra dictum est: ergo intentio non se habet ad illam instar formae tribuentis ei esse morale. Consequentia patet, Quia ideo actus interior se habet ad exteriorum instar formae, quod exterior per se non habeat esse morale: ergo cum electio per se habeat esse morale, non suberit alteri actui tamquam sua forma.

Solutio.

Respondeo, Hac ratione bene probari electionem, vt sit bona vel mala, non necessariò considerari vt informatam intentione, tamen non probat, quin posset sic considerari. Ratio est, Quia totum esse electionis pendet ab intentione tamquam à propria causa; vnde ratione illius dependentia & intrinsecæ connexionis censeri potest unus numero actus cum intentione: nam ubi est unum propter unum, non censetur nisi esse unum. Itaque intentio, electio, & opus exterum sunt unus numero actus in genere moris.

Aduerte tamen, Non esse hic tantam unitatem moralem, quanta est in actu interno & externo, vt patet ex supradictis. In actu enim interno & externo est tantum unum esse morale communiquatum actu externo per denominationem extrinsecam: in electione & intentione est duplex esse morale; sed ob dependentiam alterius ab altero censetur unum; sicut fons & riuis, radix & rami, lux & radij, cognitione causa & effectus censentur unum.

Quomodo intentio & electione sunt ad utrumque admodum moraliter.

Tota bonitas intentionis semper redundat in electionem & in opus, si opus sit causa bonitatis.

Hinc sequitur, Etiam si bonitas electionis & operis, ratione obiecti aut inefficacitatis, non aequaliter censetur bonitatem intentionis; tamen totam bonitatem intentionis semper redundare in electionem & in opus: quod tamen intelligentius est, si opus quod eligitur sit capax bonitatis: et si enim malitia intentionis sufficiat ad malitiam electionis & operis, & ideo tota malitia intentionis semper redundet in electionem; tamen bonitas intentionis non sufficit ad bonitatem electionis & operis; sed requiritur, vt opus quod eligitur saltem non sit malum; alioquin bonitas intentionis non poterit ei comunicari.

96. Tertia Conclusio, Tota bonitas & malitia quam habet intentio ex perfectione graduum, etiam redundat in electionem, & in opus externum. Sequitur ex secunda conclusione.

Electione & opus exterum non sunt meliora, quo intentio est vehementior.

Hinc fit vt ceteris paribus electio & opus edificet melius vel peius, quod intentio fuerit vehementior: vt si ex feruenti affectu charitatis electemosynam, illa eleemosyna erit melior, quam si ex minori affectu; quia meliore intentione influenteratur.

Aduerte tamen, Non ideo electionem in se ipsa, seu intrinsecè esse meliorem vel peiores; nam fieri potest vt intentio sit valde feruens, & electio sit valde remissa, & quodammodo inuoluntaria: vt cum quis ex magno affectu sanitatis eligit cauterium; vel ex ardenti charitate in Deum eligit martyrium: tamen etiam tunc electione & opus consequens censetur meliora per denominationem extrinsecam; quatenus à perfectiore intentione, sub qua veluti sub forma considerantur, procedunt.

97. Quarta Conclusio, Si perfectio intensiva voluntatis, vel operis externi comparetur ad intentionem, tamquam ad obiectum (vt quando quis vult feruenter amare, dolere, operari, &c.) quantitas voluntatis & operis non semper sequitur intentionis.

quantitatem intentionis. Hæc conclusio sequitur ex prima. Ratio est, Quia non est in hominis potestate consequi, quidquid optat. Hinc fit, vt non possit tantum mereri, quantum vult mereri.

Dices, voluntas pro facto reputatur, quando Quando voluntas reputatur pro facto, opus non est in nostra potestate.

Respondeo, Hoc in meritis & demeritis reputatur pro facto, rurum est, quando voluntas ex se est efficax ope- ris, & solum extrinsecus impeditur; non autem alijs.

## ARTICVLVS IX.

Vtrum bonitas voluntatis dependeat ex conformitate ad voluntatem Diuinam?

Affirmatur.

C Onclusio est, vt voluntas hominis bona sit, requiritur vt diuina voluntati conformetur. Ratio est, quia bonitas voluntatis pendet ex recto ordine ad summum bonum: atqui hic rectius ordo ad summum bonum est primariò in voluntate diuina: ergo omnis alia voluntas est bona ex conformitate cum voluntate diuina. Consequentia probatur; quia id quod est primum in suo genere, est reliquorum mensura.

Notandum est, non esse necessarium vt voluntas nostra in suis motibus internis & externis in Quidam contendat hanc conformitatem cum voluntate diuina; sed satis est, vt sic omnia velit & peragat, vt in ipso exercitio, consecutione quadam, hæc conformitas resulget.

## ARTICVLVS X.

Vtrum voluntas nostra debet conformari diuina voluntati in volito?

Quidam.

C Onclusio est, voluntas nostra debet conformari diuina in volito formalis, non autem in volito materiali.

Notandum est, quatuor modis voluntatem nostram diuina posse conformari, vt colligatur ex D. Thoma. Primo, In volito materiali; vt quando idem volumus quod Deus vult; & tunc dicitur conformis materialiter. Secundo, In volito formalis; id est, in ratione volendi; vt quando ob eandem causam volumus, ob quam Deus vult; & tunc dicitur conformis formaliter. Tertio, Secundum rationem causa efficientis & effectus; vt quando volumus id, quod Deus vult nos velle; & tunc dicitur conformis effectu, vel etiam obiectiu; quia voluntas nostra tunc est obiectum voluntatis diuinae. Quarto, Secundum rationem principij formalis quo volumus; vt quando volumus aliquid ex affectu vel habitu charitatis in Deum, sicut Deus omnia quæ vult, ex affectu erga suam bonitatem vult. Hæc tamen conformitas reducitur ad formalem. His positis, duo sunt dubia.

DVBIVM